



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

25. Moribundus effigiem Domini è Cruce pendentis exosculatur, complectitur, capiti imponit, frontem, verticemq[ue], eâ consignat, humeris superponit, supra pectus collocat, ulnis stringit, animam ...

Nutzungsbedingungen

[urn:nbn:de:hbz:466:1-55449](https://nbn-resolving.org/urn:nbn:de:hbz:466:1-55449)

AMATRIX CRUCIFIXI. 43
ros, nec futurum unquam, ut posset
eorum oblivisci.

*Vita Bellarmini ex translatione Silvestri Petra-
Sancta lib. 7. cap. 3.*

V.

AMATOR CRUCIFIXI

*Moribundus effigiem Domini è Cruce
pendentis exosculatur, complectitur,
capiti imponit, frontem verticemq;
ea consignat, humeris superponit, su-
pra pectus collocat, ulnis stringit ani-
mam illi defert.*

HÆc & ejus generis alia non pauca
actitavit BELLARMINVS Lecto af-
fixus ad migrationem se parans. Nam
post ea, quæ proximè relata sunt triduo
quàm obiret, Medici, ut ei gravedine
caput relevarent, admotis hirudinibus
ad venas, sub utramque aurem sangui-
nem mitti voluerunt: sed medicamen-
tum hoc aliorum pietati potius, quàm
ipsius sanitati parabatur.

Æger, quamdiu lentitudo curatio-
nis duravit, immotus, & defixus oculis
in CRUCE mansit. Interim verò Medi-
ci, & qui aderant omnes, albis sucla-
riolis certatim excepere sanguinem, qui
ex hirudinum haustu perpetuum eum
diem,

25.

ROBERTVS
BELLAR-
MINVS
Italus.

diem, & noctem insequentem haud fisti-
fic potuit, quin aliquantulum flueret; &
morbus nihilominus ex illo non remisit.

Quare, cum vīta ejus iret in deteritū,
à Pontifice postularum est ipsius no-
mine, ut Sacram ei Benedictionem cum
Indulgentiā piaculari lustrante vitam
anteactam omnem impertirer. Atque
hanc ipsam, aperto capite, & generali
confessione ritè obitā accepit venera-
bundus, ut donis cælestibus cumulatus
in cælum iret.

Prædixerat sæpe, sibi spera esse nimi-
rum, fore ut obiret Feria VI. memoriæ
CRUCIFIXI peculiariter dicatā; ac ipso
die S. Francisci admirandis (ad CRUCI-
FIXI similitudinem) VULNERIBVS Sa-
cro. Fortasse, ut non deessent morituro
exgeminā ejus diei recordatione, vel
AMORIS VULNERA, vel DOLORIS. Hoc
si desiderium fuit, annuit eventu secun-
dissimo DEVS; si oraculum, cum prædi-
ctione cuncta congruerunt. Etenim
cum intenderet se nox Feriæ V. quæ fuit
xvi. Kalend. Octob. hoc est, pridie ejus
Celebritatis, horā ab occasu solis circi-
ter tertiā cœpit animam agere.

Durante tractu, & lentitudine mor-
tis, tametsi frigescerent pedes, manus-
que, & ab extremis cedens vita paula-
tim arctaretur, tamen ferè ad finem
usque, fervido, & compote mentis
pectore,

CVLTRIX CRVCIFIXI. 45

pectore, os illud sacerdotale Sacrificia laudis immolavit DEO. Versus Psalmorum tempori aptos piè admodum usurpabat: Psalmum totum quinquagesimum, Orationem Dominicam, & Salutationem Angelicam clarè ac distinctè recitavit sæpius: subinde ijs interponens suavissima IESV & MARIAE nomina: & per intervalla illud: *Sancta MARIA Mater DEI, ora pro nobis peccatoribus, nunc, & in horâ mortis nostræ.*

Sed enim spectaculum jucundissimum erat, intueri exosculantem CHRISTI Domini è CRUCE pendentis effigiem. Quippe, eam arctissimè complexus, satis indicabat, quàm impensè amaret CRUCIFIXVM Servatorem vitæ suæ. Quem denique, cùm veller ultimis obsequijs venerari, stricto Simulacro salutaris CRUCIS, detracto sibi pileolo, revelatum manu tremebundâ caput, semel iterumque consignavit. Postea, CRUCEM eandem superimponere humeris, quasi cum ea facturus iter, conatus est. Demum supra pectus, subter linthea collocavit, & reductis brachijs strinxit, cor evocaturus, ut per ea utique VULNERA immoreretur DEO suo: & moribundas manus in his CRUCIFIXI obsequijs reliquit.

Indicijs tanti in CRUCIFIXVM amoris, & tam fervidæ pietatis, Vita Bellarmini

mini pervenerat sub auroram xv. Kal. Octob. quæ ei ortus haud dubiè lucis lætissimæ fuit: cum simul obscurari oculis cæpit, ut in cælo videns efficeretur; simul loqui desijt; pauloque post nullo signo pavefactus, & sine depravatione vultus, tranquillissimè defecit; unâ horâ circiter post exorientem solem. Anno M.DC.XXI. cum ei deessent dies x. & vii. ut attingeret annum vitæ octogesimum, Feria VI. in quam incidit anniversaria celebritas STIGMATVM Sancti Francisci: per omnia sortitus exitum, qualem optaverat.

Silvester Petra-Sancta, in vita Bellarmini, lib. 7. cap. 2.

VI.

AMATOR CRUCIFIXI.

Ad Passionis Christi participationem, & honorem Crucifixi, omnibus Christi pervigilijs pane dumtaxat & aqua jejunat.

26.
THOMAS
SANCHEZ
Hispanus.

NON nominabitur facilè aliquis ex magnis ævi nostri Theologis, qui superaverit THOMAM SANCHEZ Cordubensem, ut in dotibus ad consummatissimum Imperatricis illius disciplinæ Doctorem pertinentibus, ita in officijs ad ferventissimum CRUCIFIXI Amatorem